

Na osnovu člana 69. stav (3) i člana 70. stav (4) Zakona o javnim nabavkama („Službeni glasnik BiH“ broj: 39/14) i Pravilnika o postupku direktnog sporazuma broj: 01-02-1685/15 od 02.07.2015. godine, predsjednik Komisije za vrijednosne papire Federacije Bosne i Hercegovine donosi:

**ODLUKU  
O PONIŠTENJU POSTUPKA DIREKTNOG SPORAZUMA**

**Član 1.**

Poništava se postupak javne nabavke roba – toplih i hladnih napitaka za potrebe Komisije za vrijednosne papire Federacije BiH, pokrenut Odlukom o pokretanju javne nabavke toplih i hladnih napitaka putem direktnog sporazuma broj: 01-14-3-834/22 od 13.5.2022. godine.

**Član 2.**

Za izvršenje ove Odluke zadužuje se Sekretarijat Komisije za vrijednosne papire Federacije Bosne i Hercegovine.

**Član 3.**

Ova Odluka objavit će se na internom portalu Komisije za vrijednosne papire Federacije Bosne i Hercegovine.

**Član 4.**

Ova Odluka stupa na snagu danom donošenja.

**Obrazloženje**

Komisija za vrijednosne papire Federacije BiH (u daljem tekstu: Komisija) je dana 13.5.2022. godine donijela Odluku broj: 01-14-3-834/22 o pokretanju javne nabavke direktnim sporazumom za nabavku roba – toplih i hladnih napitaka za potrebe Komisije za vrijednosne papire Federacije BiH. Procijenjena vrijednost nabavke robe iznosila je 2.700,00 KM bez PDV-a.

U skladu s navedenom Odlukom, u cilju realizacije predmetne nabavke, upućeni su zahtjevi za ponudu sljedećim potencijalnim ponuđačima: Bingo d.o.o. Tuzla, Penny plus d.o.o. i Hoše komerc d.o.o. Sarajevo.


Dana 8.6.2022. godine Komisija za nabavku toplih i hladnih napitaka je održala sastanak i pri tome je konstatovala da su u ostavljenom roku do 7.6.2022. godine zaprimljene dvije ponude, i to od ponuđača Bingo export- import d.o.o. Tuzla i HOŠE Komerc d.o.o. Sarajevo. Ponuda ponuđača Bingo export-import d.o.o. Tuzla glasila je na iznos 1.085,04 KM bez PDV-a, dok je ponuda ponuđača HOŠE Komerc d.o.o. Sarajevo glasila na iznos 1.150,22 KM bez PDV-a. Obje ponude su bile blagovremene i prihvatljive jer u potpunosti odgovaraju specifikaciji iz zahtjeva za ponudu.

S obzirom na to da je ponuda ponuđača BINGO d.o.o. export-import Tuzla ponuda s najnižom cijenom, Bingo export-import d.o.o. Tuzla izabran je kao najpovoljniji ponuđač Odlukom broj 01-3-14-834/22-10 od 8.6.2022. godine, o čemu su obaviješteni svi učesnici u postupku. Izabranom ponuđaču je putem pošte dostavljen ugovor na potpis, no dana 14.6.2022. godine predstavnica ponuđača je putem elektronske pošte obavijestila ugovorni organ da nisu u mogućnosti potpisati ugovor u kojem se navodi da su cijene fiksne. Potom je ponuđaču HOŠE Komerc d.o.o. upućen poziv da kao drugorangirani ponuđač sklopi ugovor pod jednakim uslovima, a za izjašnjenje je ostavljen rok do 23.6.2022. godine. S obzirom na to da ni drugorangirani ponuđač nije pristao na zaključenje ugovora o godišnjem snabdijevanju toplim i hladnim napicima, to je odlučeno kao u dispozitivu ove Odluke, shodno odredbi člana 69. stav (2) Zakona o javnim nabavkama.

POUKA O PRAVNOM LIJEKU: Na ovu odluku nije dozvoljen prigovor.

**DOSTAVITI:**

- Imenovanima, (x2)
- a/a.

Predsjednik  
Komisije za vrijednosne papire  
Federacije Bosne i Hercegovine  
  
Adnan Zukić

